

福建通志局編纂
民國十一年刊本

福建通紀

(一)

台灣大通書局印行

中華民國五十七年十一月初版

福建通紀

(精裝五巨冊)

售價：新台幣三千六百元

出版者：大通書局

發行者：大通書局

地址：台北市重慶南路一段四十七號

郵政劃撥戶四二七一號

印刷者：新文化彩色印書館

地址：台北市環河南街一六九巷八十號

版權所有

出版登記證在申請中

景印「福建通紀」緣起

「福建通紀」共有四種版本：一、鄭開極等纂六十四卷，康熙二十三年（1684）刊本；二、謝道承等纂七十八卷，乾隆二年（1737）刊本；三、陳壽祺等纂二百七十八卷，同治六年（1867）刊本；四、福建通志局編纂三百十一卷，民國十一年（1922）刊本，即為新本。

這部「福建通紀」分通紀、天文志、地理志、山經、河渠書、水利志、方言志、物產志、漁業志、鹽政志、賦稅志、船政志、海軍志、外交志、金石志、藝文志、版本志、列傳、儒林傳、文苑傳、儒引傳、循吏傳、孝義傳、高士傳、列女傳、高僧傳、列仙傳、名宦傳、酷吏傳、滑稽傳、伶官傳、宦者傳等三十二大類；及經史子集等二十五小類，共三百十一卷。凡歷代紀傳、制度、以及天文地理，靡不記載詳盡，此書刊刻年代之近，卷帙之繁，內容之廣，似前三種版本所不及此。

本局為響應復興中華文化運動，及當前學界之需，爰特籌資刊行，以供海內外學術界參考。

本局編輯部謹識

民國五十七年十一月（1968）

福建通紀目次

一、福建通紀	二十卷		一
二、福建天文志	一卷		二二五
三、福建地理志	三卷		二二九
四、福建山經	卅五卷		二四九
五、福建河渠書	十一卷		四五五
六、福建水利志	十卷		五二九
七、福建方言志	一卷		六一七
八、福建物產志	十一卷		六二七
九、福建漁業志	一卷		六九七
十、福建鹽政志	一卷		七〇五
十一、福建賦稅志	一卷		七三一
十二、福建船政志	一卷		七四三
附：福建船政各分所表一卷			
船政成船表一卷			
十三、福建海軍志	一卷		七五七
十四、福建外交志	一卷		七六五
十五、福建金石志	三十卷		七八七
十六、福建金石志補遺	一卷		一〇九一
福建金石志刊誤	一卷		一〇九三

十八、福建藝文志

一、經部 (十五卷)

1. 易類		一〇九五
2. 書類		一一一
3. 詩類		一二九
4. 周禮類		一三九
5. 禮儀類		一四三
6. 通禮雜禮類		一五九
7. 四書類		一八一
8. 樂類		一九五
9. 小學類		二〇一

二、史部 (二十五卷)

1. 正史類		一一一
2. 編年類		一一三
3. 紀事本末類		一一七
4. 別史類		一二一
5. 雜史類		一二五
6. 詔令類		一二九
7. 奏議類		一三一
8. 傳記類		一三五
9. 史鈔類		一四九
10. 載記類		一五一
11. 時令類		一五三
12. 地理類		一五五
13. 職官類		一八七
14. 政書類		一八九
15. 目錄類		二九三
16. 譜錄類		三〇一

三、子部 (十三卷)

四、集部 (二十三卷)

十九、福建藝文志附錄及補遺

二十、福建版本志

17 史評類	一三一	1. 別集類	一三八三
18 類考類	一三一五	2. 總集類	一五三三
1. 儒家類	一三二三	3. 詞曲類	一五五一
2. 兵家類	一三四一	4. 詩文評類	一五五九
3. 法家類	一三四三	5. 叢書類	一五六五
4. 農家類	一三四五	1. 經部	一五六九
5. 醫家類	一三四七	2. 史部	一五七三
6. 天文算法類	一三五五	3. 子部	一五八一
7. 術數類	一三五七	4. 集部	一五八五
8. 雜家類	一三五七	5. 補遺	一五八七
9. 小說家類	一三七一		
10. 道家類	一三七五		
11. 釋家類	一三七九		
12. 楚辭類	一三八一		

廿一、福建列傳

廿二、福建儒林傳 (五卷)

附：補遺

6. 叢書	一卷	一六〇九
7. 補遺	一卷	一六一一
8. 附錄	一卷	一六二三
1. 漢、晉、陳、隋	一卷	一六二五
2. 唐列傳	一卷	一六七
3. 唐列傳補遺	一卷	一六二
4. 五代傳	一卷	一六二五
5. 宋列傳	十五卷	一六三三
6. 元列傳	十卷	一九二五
7. 明列傳	十七卷	一九三一
8. 清列傳目次	八卷	二一六九
9. 清列傳	八卷	二一七一
1. 福建文苑傳	九卷	二二九一
2. 福建儒行傳	四卷	二五〇五
3. 福建循吏傳	三卷	二五六七
4. 福建孝義傳	十五卷	二六五九
5. 福建高士傳	二卷	二四三九
6. 福建列女傳	七卷	二八〇九
7. 福建高僧傳	七卷	二八九九
8. 福建列仙傳	一卷	二九六九
9. 福建名宦傳	主卷	二九七七
10. 福建酷吏傳	一卷	二九八九
11. 福建滑稽傳	一卷	二九九一
12. 福建伶官傳	一卷	二九九三
13. 福建宦者傳	一卷	二九九五

福建通紀卷一

自來方志有表有志有列傳獨不敢用紀若用紀即借國史也者然周禮小史掌邦國之志即國史外史掌四方之志即方志是史本稱志史特其官耳故周志稱志穆天子傳稱傳呂氏春秋十二紀以紀月令未嘗紀尊而志傳卑也通志之名昉於吾鄉鄭樵氏首列帝紀元張用鼎金陵志本其意創為通紀一門論方志體例者章學誠氏高澍然氏均隨之良以魯史必稱周禮正月必係周王一書之綱在是而後方數千里之地歷代之廢興治亂不至散無統紀惛然而罔攸知也立通紀

周

顯王三十五年越王無疆伐楚楚威王大敗越殺無疆盡取吳故地越以此散諸族子爭立或為王或為君濱於海上後七世至閼君搖竹書紀年史記通世家

案吳越春秋句踐二十七年卒興東即位子翁子不揚子無疆子玉子

福建通紀

秦

一

通志一

尊子親共歷八王積二百二十四年親宗皆失而去項邪徙於吳矣尊親失項邪為楚所滅與世家不合與紀年於越遷吳在周安王三十二年亦不合今不從

秦

閼越王無疆及越東海王搖者其先皆句踐之後姓驕氏秦已并天下皆廢為君長以其地為閼中郡及諸侯畔秦無諸率越屬郡陽令吳芮從諸侯滅秦項籍王命弗王以故不附楚漢擊籍無諸率越人佐漢史記東越傳

漢

傳

高祖五年詔曰故粵王無諸世奉粵祀秦侵奪其地使其社稷不得血食諸侯伐秦無諸身率閼中兵以佐滅秦項羽廢而弗立今以為閼粵王王閼中地都東治東越傳漢書高帝紀

惠帝三年五月舉高帝時越功曰閼君搖功多立為東海王都東臨

高后八年高后崩南越王趙佗以兵威邊財物賂遺閼越西甌駱役屬焉史記南越列傳

文帝六年淮南厲王令人使閼越匈奴事齊治之史記淮南列傳

景帝三年吳王濞反欲從閼越閼越未肯行獨東甌從吳及吳破東甌受漢購殺吳王丹徒以故得不誅吳王太子駒亡走閼越怨東甌殺其父常勸閼越擊東甌東越傳

武帝建元三年閼越發兵圍東甌東甌食盡且降使人告急天子天子問太尉田蚡蚡曰越人相攻擊固其常不足以煩中國自秦時棄弗屬中大

夫莊助詰蚡曰特患力弗能救誠能何故棄之且秦擊咸陽而棄之何乃越也乃遣莊助以節發兵會稽浮海救東甌未至閼越引兵去上

六年閼越擊南越南越守天子約不敢擅發兵擊而以聞上遣大行王恢出豫章大農韓安國出會稽皆為將軍誅閼越淮南王安上書諫暑曰越

方外之地割髮文身之民也自三代之盛胡越不與正朔以為不居之地

福建通紀

秦

通志一

不牧之民不足以煩中國也自漢初定以來七十二年吳越人相攻擊者不可勝數天子未嘗舉兵而入其地也臣聞越非有城郭邑里也處谿谷

之間望竹之中習於水門便於用舟地深昧而多水險中國之人不知其勢阻而入其地難百不當其一得其地不可郡縣也攻之不可暴取也以

地圖察其山川要塞相去不過寸數而間獨數百千里阻險林叢弗能盡

著視之若易行之甚難今發兵行數千里資衣糧入越地輿輻而險領枕

舟而入水行數百千里夾以深林叢竹水道上下擊石林中多螭蛇猛獸

夏月暑時歐世霍亂之病相隨屬也會未施兵接刃死傷者必眾矣不習

南方地形者多以越為人眾兵強能難邊城淮南全圖之時多為邊吏臣

竊聞之與中國異限以高山人迹所絕車道不通其入中國必下傾水領

水之山峭峻漂石破舟不可以大船載食糧下也越人欲為變必先田餘

千界中積糧運入伐材泊船邊城守候譏諷越人有入伐材者輒收捕焚

其積聚雖百越奈邊城何且越人蘇力薄材不能陸戰又無車騎弓弩之

用然而不可入者以保地險而中國之人不能其水土也臣聞越甲卒不下數十萬所以入之五倍適足南方暑濕近夏熱暴露水居蝮蛇蠱生疾病多作兵未血刃而病死者什二三臣聞道路言閩越王弟甲弑而殺之甲以誅死其民未有所屬陛下若欲來內處之中國使重臣臨存施德垂賞以招致之此必携幼扶老以歸聖德若無所用之則繼其絕世建其王侯此必世共貢職今以兵入其地此必震怒以為欲屠滅之也必難克逃入山林險阻背而去之則復相羣聚留而守之歷歲經年則士卒罷勑食糧之絕臣聞長老言秦之時嘗使尉屠睢擊越又使監祿鑿渠通道越人逃入深山林叢不可得攻留軍屯守空地曠日持久士卒勞倦越乃出擊之秦兵大破如使越人蒙死微幸以逆執事之旗行斯與之卒有一不備而歸者臣竊為大漢羞之是時漢兵遂出未踰領案史記以為未踰領關越王郢發兵距險其弟餘善乃與宗族謀曰漢兵眾彊今即幸勝之後求益多終滅國而止今殺王以謝天子天子聽罷兵固一國完不疆乃力

福建通紀

三

通志一

戰不勝即亡入海皆曰善即縱殺王奉其頭致大行天子詔兩將罷兵曰郢等首惡獨無諸孫辭君丑不與謀乃立丑為越王奉先祭祀餘善威行於國竊自立為王王不能制天子曰餘善首誅郢師得不勞因立為東越王與餘王並處

東越列傳漢書東越列傳兩粵傳

案嚴助傳又云閩越王殺其骨肉離其親戚又數舉兵侵陵百越并兼鄰國入燔尋陽樓船欲招會稽之地以踐句踐之迹今者邊又言率兩國擊南越以八月舉兵於治南士卒罷倦三王之眾相與攻之以上東越列傳所未詳

元鼎五年南越反餘善上書請以卒八千人從樓船將軍擊白嘉等兵至揭陽以海風波為解不行持兩端陰使南越及漢破番禺不至是時樓船將軍楊僕上書願便引兵擊東越上曰士卒勞倦令屯戍章梅嶺待命六年秋餘善聞樓船請誅之漢兵臨境遂反發兵距漢追號將軍驕力等為右漢將軍入白沙武林梅嶺殺漢三校尉刺武帝璽自立詐其民為妄

言天子遣橫海將軍韓說出句章浮海從東方往樓船將軍楊僕出武林中尉王溫舒出梅嶺越候為戈船下濤將軍出若邪白沙

以上東越列傳

東越數反覆中大夫朱買臣因言收東越王君保泉山一人守障千人不得上今聞東越王更徙處南行去泉山五百里居大澤中今發兵浮海直指泉山陳舟列兵席捲南行可破滅也上拜買臣會稽太守到郡治樓船備糧食水載具居歲餘買臣受詔將兵與橫海將軍韓說等俱擊破東越

漢書朱買臣傳

福建通紀

東漢

四

通志一

無錫侯於是天子曰東越隔多阻閩越悍數反覆詔軍吏皆將其民徙處江淮間東越地虛後有逃遁山谷者願出為立治縣置會稽東部都尉以屬之

東越列傳兩粵傳宋書州郡志三山志

案史記吳王濞傳吳王下令國中曰南使閩越東越東越亦發兵從相東越為東越似東越專屬東越與福建無與也者不知史記閩越東越統稱東越列傳封餘善為東越王時明云與餘王並處擊東越後明云東越狹閩越悍皆徙其民下統云東越地遠處是東越閩越固一而二二而一也又案三山志諫州郡志為立二字作立為因誤改屬會稽為以會稽禁備之太平御覽引臨海記云立都尉府於侯官以鎮撫二越所謂東南一尉者是也

東漢

章帝建初八年舊交趾七郡貢獻轉運皆從東治汎海而至風波艱阻沈溺相係弘奏開零陵桂陽嶠道自是夷通遂為常路

後漢書

章和元年立故治閩越地爲章安縣後漢書郡國志

案郡國志以章安爲光武更名然章安取義於章和紀年當非光武時

事

順帝陽嘉元年二月海賊曾旌等寇會稽諸縣海縣各屯兵戍後漢書

永和二年以章安縣東臨鄉爲永寧縣郡國志

獻帝建安元年王朗爲會稽太守孫策引兵渡浙江朗功曹虞翻勸朗避

策朗不用拒戰敗績策自領會稽太守朗亡走浮海翻追隨營護至東部

侯官侯官長商升閉城不受翻往說然後見納策遣永寧長韓晏領南部

都尉將兵討升以賀齊爲永寧長晏爲升所敗齊又代晏領都尉事升畏

齊威名乞降張雅詹應等不願升降反共殺升雅稱無上將軍強稱會稽

太守齊一戰大破之侯官平三國志王朗傳孫策傳虞翻傳賀齊傳

案三國志注引獻帝春秋言策率軍如閩越討朗朗浮海欲走交州爲

兵所逼遂詣軍降孫策傳又言策屠東治然據賀齊傳至侯官戰勝者

福建通紀東漢 吳 五 通志一

齊受降者齊策特遣之耳何曾屠東治哉

五年曹操表孫權爲討虜將軍領會稽太守三國志

八年建安漢興南平復亂賀齊進兵建安立都尉府郡後屬縣五千兵各

使本縣長將之愛齊節度進討洪明洪進等賊連大破之臨陣斬明餘皆

降賀齊

十五年會稽東治五縣賊呂合秦狼等爲亂孫權以呂岱爲督軍校尉與

將軍蔣欽等將兵討之遂禽合狼五縣平定岱拜昭信中郎將欽從討越

中郎將三國志呂岱傳蔣欽傳

大帝嘉禾四年廬陵賊李桓路合會稽東治賊陸春南海賊羅厲等一時

並起權詔呂岱督劉纂唐谷等分部討擊春即時首降岱拜春偏將軍使

領其衆遂爲列將桓厲等皆見斬獲呂岱傳

太平二年八月會稽南部反殺都尉郡陽新都山民作亂鍾離牧爲監軍

使者與廷尉丁密步兵校尉鄭曹率軍討平之三國志孫亮傳

三年九月大將軍孫琳點亮爲會稽王孫亮傳

景帝永安三年秋會稽郡詔言王亮當還爲天子點亮爲侯官侯還之國

道自殺三國志孫休傳

以會稽南部爲建安郡上

置曲都尉於建安王諱從之人作船於此元和郡縣志

案宋書州郡志作典船校尉曲都富典船之譌

歸命侯甘露元年三月孫皓遣使隨徐紹孫或報魏書紹行至濡須召還

殺之徙其家屬建安紹或由吳降魏魏命肅書中喻皓紹獨美魏國故

也三國志孫皓傳

案注引吳錄皓以諸父與孫和連及者家屬皆徙東治

建衡元年十一月遣監軍虞允成南將軍薛珣蒼梧太守闕璜由荊州監

軍李勗督軍徐存徙建安海道皆就合浦擊交趾孫皓傳

福建通紀吳 晉 六 通志一

陸凱平凱數犯顏件自加何定善構非一後竟徙凱家於建安三國志陸凱傳

二年春李勗以建安道不通利殺將馮裴引軍還孫皓傳

三年會稽妖言章安侯奮當爲天子臨海太守委與會稽太守郭誕書

非論國政誕但白照書不白妖言送付建安作船全上案張何亦送建安作船見三國志張純傳

晉

武帝太康三年分建安立晉安郡統縣八隸揚州晉書地理志三山志

始以侯官爲晉安郡最高爲守三山志

立原豐令省建安典船校尉宋書州郡志

四年以溫麻船屯立溫麻令上

六年正月以尚書褚契都督揚州諸軍事晉書武帝紀

八年五月建安地震晉書五行志

十年十二月廬江建安雷電大雨上

惠帝元康元年七月有司奏荆揚二州疆土廣遠統理尤難於是割揚州

之豫章郡陽康陵縣川南康建安晉安荆州之武昌桂陽安成合十郡因江水之名而置江州晉書地理志

王彬爲鎮軍將軍參軍轉典軍參軍愍帝召爲尚書郎以道險不就遷建安太守晉書王彬傳

懷帝永嘉中以華歆爲江州刺史晉書華歆傳

元帝永昌元年王敦舉兵反詔陶侃以本官領江州刺史晉書陶侃傳

明帝太寧二年十月以應詹爲平南將軍都督江州諸軍事江州刺史晉書應詹傳

成帝咸和元年七月使持節都督江州諸軍事江州刺史應詹卒晉書成帝紀

八月以給事中前將軍丹陽尹溫爲平南將軍假節都督江州刺史晉書溫傳

咸和初南頓王宗反使趙胤討誅之貶其族爲馬氏徙妻子於晉安晉書南頓王宗傳

四年十二月右將軍郭默害平南將軍江州刺史劉胤宋書郭默傳

福建通紀晉 七 通志一

陶侃上表討默侃至默將宗侯縛默誅侃降詔侃都督江州領刺史陶侃傳

咸康八年八月以江州刺史王九之爲衛將軍晉書王九之傳

康帝建元元年十月以車騎將軍庾亮都督荆江司雍益梁六州諸軍事晉書庾亮傳

二年庾亮以謝尚督豫州四郡領江州刺史晉書謝尚傳

穆帝永和元年七月持節都督江荆司雍益梁七州諸軍事江州刺史晉書穆帝紀

哀帝隆和三年二月以荆州刺史桓冲監江州荆州之江夏隨郡豫州之汝南西陽新蔡潁川六郡諸軍事南中郎將江州刺史晉書桓冲傳

孝武帝寧康元年七月以江州刺史桓冲爲中軍將軍都督揚豫江三州諸軍事揚州刺史晉書孝武帝紀

太元四年九月監殺建安太守傅湛全

安帝元興元年正月孫恩死盧循自稱征虜將軍領其餘眾略有永嘉晉

安之地宋書天

二年八月盧循攻永嘉劉裕討循至晉安循窘急汎海到番禺寇廣州初張茂度出補晉安太守盧循爲寇覆沒江州茂度與建安太守孫嗣之並受其符書供其調役循走俱坐免官晉書張茂度傳

元興初朝廷將討桓玄以劉牢之爲前鋒都督征西將軍領江州事晉書劉牢之傳

義熙八年先是盧循南走孟懷玉與眾軍追至嶺表循平遷懷玉爲江州刺史宋書孟懷玉傳

義熙中以庾悅爲江州刺史晉書庾悅傳

十二年遷檀韶督江州軍事江州刺史宋書檀韶傳

十四年遷王弘監江州太祖卽位以定策安社稷封建安郡公食邑千戶宋書王弘傳

十八年遷庾登之爲江州刺史疾篤徵爲中護軍宋書庾登之傳

福建通紀晉 宋 八 通志一

武帝永初元年以佐命功改封劉粹爲建安縣侯宋書劉粹傳

文帝元嘉元年建安郡山賊百餘人破郡治抄掠百姓資產子女悉入佛圖搜劫財寶入一室忽有雷聲數萬頭同時墮響羣賊身百腫痛眼皆盲合先諸所掠皆棄而去宋書佛圖傳

三年正月傅亮誅子都從建安郡宋書傅亮傳

二月建安太守潘城有罪伏誅宋書潘城傳

十三年以南郡王義宣爲江州刺史宋書南郡王義宣傳

十六年四月以臨川王道規子義慶爲江州刺史宋書臨川王義慶傳

十七年十月以大將軍領司徒錄尚書事彭城王義康爲江州刺史宋書彭城王義康傳

十八年二月以豫章太守庾登之爲江州刺史宋書庾登之傳

二十年正月以廬陵王紹爲江州刺史宋書廬陵王紹傳

二十三年八月揭陽精賊攻建安郡城府沈初之討之病卒於軍

又沈慶

二十六年七月以中書建平王宏爲江州刺史

二十八年以武陵王駿爲都督江州刺史

二十九年二月立第十二皇子休仁爲建安王

三十年以雍州刺史臧質爲江州刺史

孝武帝孝建元年魯爽反柳元景克捷封晉安郡公

三月以安北將軍蕭思話爲安南將軍江州刺史

十月以東海王穆爲撫軍將軍江州刺史

大明元年以晉王昶爲江州刺史

三年分浙江西立王徽以浙江東爲揚州命豫章王子尚都督揚州江州

之郡陽晉安建安三郡諸軍事揚州刺史

七月以桂陽王休範爲江州刺史

福建通紀

四年正月庚寅立第三皇子子助爲晉安王

七年正月以南兖州刺史晉安王子助爲江州刺史

八年正月以建安王休仁爲安南將軍江州刺史

秋七月鎮軍將軍雍州刺史晉安王子助改爲江州刺史

廢帝永光元年湘東王彧出爲使持節散騎常侍都督南豫豫司江四州

揚州之宣城諸軍事

明帝泰始元年正月以驍騎將軍前荊州刺史山陽王休復改江州刺史

以上

以巴陵王休若督晉安

二年正月以領軍將軍王玄謨爲車騎將軍江州刺史

以中軍將軍王景文爲安南將軍江州刺史

鄧琬等奉晉安王子助爲帝僞位尋陽長沙王遣懷之孫瞻爲晉安太守

據郡同逆建安內史趙道生起義討之聚徒未合巴陵王休若遣沈思仁

討肅七月斬之於羅江縣八月建安王休仁率眾軍大破琬兵子助等並

賜死諸將隨征補所有功者沈懷明封建安郡吳興縣周盤龍晉安郡晉

安縣李安民建安郡都武縣并開國子楊懷以貴口有功封綏城縣男

孔融傳晉安王長沙王傳明帝紀

四年改晉安郡爲晉平郡山陽王休祜改封晉平王子宜彥封原豐縣侯

休祜死十三子並徙晉平郡太宗病見休祜爲祟乃遣中書舍人劉休至

晉平撫慰宣嗣等

追封殷孝祖爲建安縣侯

十月發諸州兵北討南康建安安成宣城四郡昔不同南逆並不在徵發

之例

六年六月鎮軍將軍揚州刺史桂陽王休範爲征南大將軍江州刺史

七年六月征北大將軍巴陵王休若爲車騎大將軍江州刺史

七月江州刺史巴陵王休若薨桂陽王休範遷爲江州刺史

福建通紀

後廢帝元徽元年以廣惠爲晉平太守

以王秀之爲晉平太守

黜江淹爲建安吳興令

二年五月以第七皇弟友爲江州刺史

順帝昇明二年正月以左衛將軍齊王世子爲江州刺史

八月以領軍蕭範爲江州刺史

三年正月以領書左僕射王延之爲安南將軍江州刺史

齊

高帝建元元年齊王受禪羅江縣男曹虎敗乞改封侯官尚書奏侯官戶

數殷廣乃改封監利縣

四年安成王暹出爲江州刺史

六月封江陵公子懋爲晉安王皇子子眞爲建安王

武帝永明二年三月徙王英爲江州刺史初省江州軍事

四年以隨郡王子隆為江州刺史武帝紀
 以衡陽王子鈞為江州刺史齊書衡陽元王傳
 六年十月以武陵王晞為江州刺史齊書晞傳
 七年轉丹陽尹王晏為江州刺史固辭不願出外齊書王晏傳
 三月以巴東王子璠為江州刺史齊書王璠傳
 八年正月以鄱陽王鐸為江州刺史齊書鐸傳
 十一年正月以陳顯達為江州刺史齊書陳顯達傳
 林王隆昌元年正月以征北大將軍晉安王子懌為江州刺史齊書林王紀
 明帝蕭政起蕭衍預定策勳封建陽縣男梁書武帝紀
 案南史梁武帝紀以為建武二年事
 明帝建武元年十一月立皇子寶義為晉安王寶實為建安王齊書明帝紀
 有詔舉士始安王遙光表薦前侯官令王僧孺梁書王僧孺傳
 二年有大鳥集建安形如水獺子其年大水南齊書五行志
 福建通紀齊書
 三年以北中郎將建安王寶實為江州刺史明帝紀
 承泰元年七月以太尉陳顯達為江州刺史齊書陳顯達傳
 東昏侯承元三年二月以冠軍長史王茂先為江州刺史齊書王茂先傳
 八月義師下次江州遺劉謨之為建安郡江僑為建安內史方視事齊書劉謨之傳
 師吏民據郡拒之梁書本傳
 和帝中興元年封蕭衍建安郡公齊書和帝紀
 梁武帝天監元年封弟雍州刺史偉建安郡王梁書武帝紀
 以范縝為晉安太守梁書范縝傳
 五年正月立皇子綱為晉安郡王武帝紀
 十七年以建安土瘠改封建安王偉為南平郡王梁書南平王偉傳
 天監中置南安郡齊書
 普通六年以晉安建安南安三郡屬東揚州齊書

案據梁書武帝紀分揚州江州置東揚州在前一年
 太同八年封南康王績第六子又理為建安縣侯梁書南康王績傳
 簡文帝大寶元年封皇子大球為建安郡王梁書簡文帝紀
 二年八月侯景廢帝為晉安王齊書侯景傳
 元帝承聖元年立皇子方智為晉安郡王梁書元帝紀
 二年晉安郡王方智出為江州刺史南史梁敬帝紀
 封蕭基為長樂侯太平御覽引
 敬帝紹泰元年封貞陽侯淵明為建安郡公梁書敬帝紀
 授陳寶應壯武將軍晉安太守尋加員外散騎常侍寶應侯官人世為閩中豪姓父羽有材幹為郡雄豪寶應性反覆多變詐梁代晉安數反累殺郡將羽初並屬感合成其事後復為官鄉導破之由是一郡兵權由已出侯景之亂晉安太守寶化侯蕭雲以郡讓羽羽老但治郡事令寶應典兵時東境飢饉而晉安獨豐寶應自海道冠冕安承恩會稽餘姚諸將又載福建通紀梁書
 米粟與之貿易由是大致資產士庶豐盛侯景平元帝因以羽為晉安太守及陳霸先輔政羽求傳位於寶應霸先許之陳書陳霸先傳
 太平二年加陳霸先爵為王以揚州之會稽臨海永嘉建安等益其封陳書陳霸先傳
 陳武帝永定元年令給事黃門侍郎蕭乾招諭閩中時周迪在臨川留異在東陽陳寶應在建晉共相連結閩中豪帥往往立誓自保乾至曉以逆順渠帥皆率眾款附即以乾為建安太守陳書蕭乾傳
 永定初升晉安郡為閩州領晉安建安南安三郡始為刺史治所三山志
 二年封寶應侯官縣侯時東西嶺道寇賊擁隔寶應自海道趨會稽貢獻陳寶應傳
 文帝天嘉元年徐度出為使持節都督晉安建安等九郡軍事未行侯瑱卒於湘州以度代之陳書徐度傳

二年除王質晉安太守陳書王質傳

陳憲紀以功除持節通直散騎常侍宣遠將軍豐州刺史陳書陳憲傳

留異反陳寶應助之又資周迪兵糧出冠臨安陳書留異傳

三年授安成王項使持節都督揚南徐東揚南豫北江五州諸軍事陳書高宗紀

三月司空侯安都破留異於桃支嶺異脫身奔晉安陳寶應納之陳書世祖紀

六月以會稽東揚臨海永嘉新安新寧晉安建安八郡置東揚州以揚州刺史始興王伯茂為鎮東將軍東揚州刺史全上

案三山志謂天嘉六年始罷閩州還屬東揚州與此異

天嘉初以孔奐為揚東揚二州大中正陳書孔奐傳

四年正月周建眾潰妻子悉擒乃脫身踰嶺走閩州刺史陳寶應納之陳書周迪傳

十二月詔章昭達都督眾軍由建安南道渡嶺以討陳寶應又命益州刺史

福建通紀

主

通志一

史余孝頃督會稽東陽諸軍自東海會之世祖紀陳寶應傳

詔陸子隆隨章昭達踰嶺討陳寶應軍至建安以子隆監郡陳書陸子隆傳

五年十一月章昭達破陳寶應於建安擒寶應留異送建康斬於市初世祖嗣位進寶應號宜毅將軍又加其父光祿大夫仍命宗正錄其本系編為宗室及寶應結婚留異潛有逆謀其客餘姚虞寄每陳逆順之理以諷諫寶應嘗使人誦漢書卧而聽之至蒯通說韓信曰相君之背負不可言

蹶然起坐曰可謂智士寄曰覆郵驕韓未足稱智豈若班彪王命謙所歸乎及留異稱兵寶應資其部曲寄乃以書極諫曰自天厭梁德英雄互起人人自以為得之然夷凶剪亂四海樂推者陳氏也豈非歷數有在惟天所授乎一也以王琳之疆侯瑱之力進足以搖蕩中原爭衡天下退足以

屈強江外雄張偏隅然或命一旅之師或資一士之說琳則瓦解冰泮投身異域城則厥角稽顙委命闕庭斯又天假之威而除其患二也今將軍以藩戚之重東南之庶盡忠奉上戮力勤王豈不勲高寶融寵過吳芮析

珪判野南面稱孤乎三也聖朝棄遐忘過寬厚得人至於余孝頃潘純陀李孝欽歐陽頔等悉委以心腹任以爪牙臂中豁然會無纖芥況將軍寶非張繡罪異畢諶當何慮於危亡何失於富貴四也方今周齊鄰睦境外無虞并兵一向匪朝伊久非劉項競逐之機楚趙連從之勢何得雍容高拱坐論西伯五也且留將軍狼顧一隅亟經摧衄聲實虧喪膽氣喪沮其將帥首鼠兩端唯利是視孰能執銳長驅深入擊馬埋輪奮不顧命以先士卒者乎六也將軍之疆孰如侯景將軍之眾孰如王琳武皇滅侯景於前今上推王琳於後此乃天時非復人力且兵革已後民皆厭亂其孰能棄墳墓捐妻子出萬死不顧之計從將軍於白刃之間乎七也歷觀前古子陽季孟顛覆相尋餘善右渠危亡繼及天命可畏山川難恃況將軍欲以數郡之地當天下之兵以諸侯之資拒天子之命強弱逆順可得侔乎八也且非我族類其心必異不愛其親豈能及物留將軍身處國爵子向王姬猶且且天屬而不顧背明君而孤立危急之日豈能同憂共患

福建通紀

志

通志一

不背將軍者乎至於師老力屈懷誅利賞必有韓智晉陽之謀張陳井陘之勢九也北軍萬里遠鬪鋒不可當將軍自戰其地人多顧後窺寡不顧將帥不侔師以無名而出事以無機而動以此稱兵未知其利十也為將軍計莫若絕親留氏釋甲偃兵一遵詔旨方今藩維尚少皇子幼冲凡諸宗族皆蒙寵樹況以將軍之地將軍之才將軍之名將軍之勢而克修藩服北面稱臣實與劉澤同年而語其功業哉寄感恩懷德不覺狂言斧鉞之誅其甘如飴寶應覽書大怒及討寶應尚書下符告晉安士庶寶應據建安之湖際並拒王師水陸為梗昭達踰東興嶺深溝高壘不與戰但命軍士伐木為障俄而水盛乘流放之突其水棚仍水步薄之寶應眾潰身奔夜至甯口山草間窘而就執晉安平世祖紀陳寶應傳

十二月曲赦建安晉安二郡討陳寶應將士死事者給棺送還本鄉世祖紀

六年三月詔侯景以來遭亂移在建安晉安義安郡者并許還本土全上

八月立皇子伯恭為晉安王全上

是年罷開州還屬東揚州三山志

天嘉中出沈君理為鎮東始興王長史會稽郡丞行東揚州事陳書沈君理傳

以陸繕為貞毅將軍建安太守陳書陸繕傳

廢帝光大元年以鄱陽王伯山為鎮東將軍東揚州刺史陳書廢帝紀

劉師知與到仲舉見安成王權重矯沈后勅令還東府事覺師知賜死後

憂閔令宦者蔣裕誘建安人張安國使據郡反冀以圖安成王陳書世祖

劉師知

二年四月割東揚州晉安郡為豐州廢帝紀

案是年始割晉安郡為豐州而天嘉二年已有陳憲紀除豐州刺史必

有誤

十二月黜始興王伯茂為溫麻侯陳書始興王伯茂傳

宣帝太建元年以皇子建安侯叔英為宣惠將軍東揚州刺史陳書高宗紀

太建初以武州刺史樊毅轉豐州刺史陳書樊毅傳

福建通紀陳隋

五

通志一

四年二月立皇子叔卿為建安王授東中郎將東揚州刺史高宗紀

七年授宜都王叔明東中郎將東揚州刺史尋出新蔡王叔齊為東中郎

將東揚州刺史陳書宜都王叔明傳

太建中承陽王伯智出為使持節都督東揚豐二州諸軍事陳書承陽王伯智傳

九年以孔奐為揚東揚豐三州大中正孔奐傳

十年授駱牙豐州刺史陳書駱牙傳

十四年三月以中護軍章大寶為豐州刺史陳書後主紀

後主至德二年五月以尚書僕射承陽王伯智為平東將軍東揚州刺史

上全

三年三月前豐州刺史章大寶舉兵反四月臺軍至陳書南史作豐州義軍王

率兵討平之大寶昭達子襲封出為豐州刺史在州貪縱百姓怨酷後主

以太僕卿李暈代之將至大寶襲殺暈遣其將楊通冠建安內史拒

之官軍稍近人情離異大寶計窮乃與通俱逃景祥率兵追躡山谷險阻

大寶不能復行通背負之為追兵所擒送都死於路傳首京師全上又章

四年九月以鄱陽王伯山出為使持節都督東揚豐二州諸軍事東揚州刺

史陳書鄱陽王伯山傳

禎明元年十一月以蕭巖為平東將軍開府儀同三司東揚州刺史後主紀

隋文帝開皇十年十一月會稽人高智慈反走保閩越泉州王國慶等自稱

大都督攻陷州縣詔上柱國內史令楊素討平之隋書文帝紀

煬帝大業初嶺南閩越多不附隋書煬帝紀

大業十年六月賊帥鄭文雅林寶讓等眾三萬陷建安郡太守楊景祥死

之隋書煬帝紀

十三年林士弘起豫章劉元進起晉安皆稱皇帝高祖紀

福建通紀隋

六

通志一

福建通紀卷二

唐

高祖武德初建郡妖賊武退作亂建州刺史葉顥嬰城捍賊城陷不屈死

八屬

五年建州刺史謝元治討武退平之通志

高宗總章二年泉州開蠻獠亂勅歸德將軍陳政統嶺南行軍總管事

出鎮紇安故地進屯雲霄鎮通志

儀鳳二年統嶺南行軍總管事陳政卒子元光以鷹揚將軍代領父衆討

平廣寇陳謙等通志

永隆二年盜起南海邊鄙命陳元光提兵入朝嶺表平軍還

武后垂拱二年陳元光請增建一州泉州間朝旨俾建漳州漳浦郡邑於

紇安即以元光爲刺史數千里間無杼鼓之驚八閩通志

中宗景龍二年朔寇雷萬興等潛抵岳山漳州刺史陳元光討之爲賊將

福建通紀

藍奉高所害通志

案元光父子有功漳泉間甚大新舊唐書不載一字據宋呂琦威惠廟

詩元張翥詩漳州有廟廟有豐碑詳其事八閩通志閩書所載皆本於

碑矣

唐宗景雲二年正月改泉州爲閩州都督改榮州爲泉州唐書

五月遣使按察十道六月又分天下置汴齊兗魏冀并補鄭溼秦益縣遂

判岐通梁襄揚安閩越洪潭二十四都督各執察所部刺史以下善惡太

子右庶子李景伯舍人盧備等上言都督專生殺之柄權任太重或用非

其人爲害不細今御史秩卑望重以時巡察姦宄自禁其後竟罷都督但

置十道按察使而已通志

玄宗開元三年代漳州刺史陳瓊襲破蠻峒復監奉高斬之唐書

十三年二月改泉州爲福州唐書

十四年是秋十五州言旱及霜五十州言水河南河北尤甚蘇同常福四

州漂壞廬舍道御史中丞宇文融檢覆賑給之上

天寶十年授陳鄧朝散大夫中郎將漳州刺史鄧元光孫也唐書

代宗大歷二年是秋河東河南淮南浙江東西福建等道五十五州奏水

災唐書

四年正月福建觀察使李承昭請徙汀州於長汀縣之白石村從之上

六年四月改泉州爲充州上

七年十一月以福建觀察使李承昭爲禮部尙書華州刺史李栢爲福州

刺史福建都團練觀察使上

十四年閏五月以京畿觀察使鮑防爲福州刺史福建都團練觀察使唐書

宗紀

德宗建中元年正月福建觀察使鮑防湖南觀察使蕭復讓憲官從之上

四月以福建觀察使鮑防爲洪州刺史江西團練觀察使五月以潮州刺

史常袞爲福建觀察使上

福建通紀

二年六月遣張著至襄陽召梁崇義竟不受詔進李希烈討南平郡王加

漢南漢北兵馬招討使督諸道兵討之時內自關中西暨蜀漢南盡江淮

閩越北至太原所在出兵通志

三年詔柳少安爲漳州刺史仍命陳謨任中郎將簡較本州別駕初謨任

中郎將兼刺史行事剛率不協與情者民百餘人詣制司言之乃有是命

興元元年正月命蕭復充山南東西荆湖淮南江西鄂岳浙江東西福建

嶺南等道宣慰安撫使實疏之也復嘗言於上官官不宜委以兵權國政

上不悅又嘗言楊炎處紀蹟亂朝政以致今日又嘗與盧杞同奏事杞順

上旨復正色曰盧杞言不正上愕然退謂左右曰蕭復輕朕通志

貞元元年以饒州刺史盧杞爲福州刺史福建觀察使唐書

二年移漳州治於龍溪初刺史柳少安精天文地理謂龍溪可建州治

興元元年請於朝未允至少安內召陳謨任事白於觀察使盧諶以開制

可開

七月福建觀察使盧蘇卒德宗

四年正月福建兵亂觀察使吳兢大將郝誠滋自稱留後以太子賓客

吳湊為福建觀察使同上

六年夏淮南浙西福建道大旱井泉竭人飢且疫死者甚眾新唐書

七年七月以信州刺史鄭叔則為福建觀察使德宗

八年左諫議大夫知制誥吳通玄與陸贄不叶贄參子申恐贄進用陰與

通玄作謗書以傾贄上察知其狀四月貶通玄泉州司馬申道州司馬尋

賜通玄死德宗

五月以大理卿王翺出為福州刺史福建觀察使新唐書

十一年陸贄既罷相裴延齡因譖京兆尹李充衛尉卿張滂前司農卿李

錡黨於贄會早延齡奏言贄等失勢怨望四月貶贄為忠州別駕充為涪

州長史滂為汀州長史錡為邵州長史德宗

福建通紀

十三年以柳冕兼御史中丞福州刺史充福建都團練觀察使舊唐書

十六年九月貶戶部侍郎判度支于頔為泉州司戶德宗

二十年七月福建觀察使柳冕奏閩中本南朝畜牧地置萬安監牧於泉

州界置羣牧五悉索部內馬驢牛羊近萬頭匹監吏主之人情大擾羣年

無所滋息同上

二十一年三月王申以前戶部侍郎判度支汀州別駕蘇弁為忠州刺史

順宗

四月丙寅罷閩中萬安監先是福建觀察柳冕久不遷欲立事迹以求恩

寵乃奏請置監收境中畜產令吏牧其中羊大者不過十斤馬之長者估

不過數千不經時輒死又欲百姓估之遠近以為笑至是觀察閩濟美奏

罷之上

六月乙亥貶宣州巡官羊士諤為汀州寧化縣尉士諤性傾躁時以公事

至京遇叔文用事朋黨相煽頗不能平公言其非叔文聞之怒欲下詔斬

之執誼不可則令杖殺之執誼又以為不可遂貶焉上

順宗永貞元年封二十男綰福王舊唐書

憲宗元和元年封十男審為建王憲宗

以建王審為鄆州大都督上

二十年十月有二月史官李吉甫撰元和國計簿總計天下方鎮凡四十八管

州府二百九十五縣一千四百五十三戶二百四十四萬二千五百四十四其

鳳翔鄜坊邠寧振武涇原銀夏靈鹽河東易定魏博鎮冀范陽滄景淮西

淄青十五道凡七十一州不申戶口每歲賦入倚辦止於浙江東西宣歙

淮南江西鄂岳福建湖南等八道合四十九州一百四十四萬戶比量天

寶供稅之戶則四分有一天下兵戎仰給縣官者八十三萬然人比量天

寶士馬則三分加一率以兩戶貢一兵其他水旱所損徵科發歛又在常

役之外上

四年閏三月禁嶺南黔中福建掠良民為奴婢者新唐書

福建通紀

四月以商州刺史元義方為福建觀察使舊唐書

五年四月福州復置侯官長樂二縣建州置將樂縣同上

六年四月以福建觀察使元義方為京兆尹上

八年八月詔比聞嶺南五管並福建黔中等道多以南口餉遺及於諸處

博易骨肉離析良賤難分此後嚴加禁止如違長吏必當科罰同上

十一月以福建觀察使裴次元為河南尹以泗州刺史薛審為福建觀察

使上

十四年六月以福建觀察使元錫為宣州刺史宣歙池觀察使以鄭州刺

史裴父為福州刺史福建觀察使上

十五年正月貶諫議大夫李景儉為建州刺史上

穆宗長慶元年元稹用事八月以建州刺史李景儉為諫議大夫舊唐書

李景儉

二年十月詔所在米價滿貴委淮南浙東宣歙江西福建等道觀察使各

於當道有水旱處以常平義倉斗斛據時減半價出糶令貧家不得與

四年二月貶李紳為端州司馬翰林學士嚴為信州刺史蔣防為汀州

刺史嚴與防皆紳所引也初穆宗既留李紳李達吉愈忌之及敬宗即位

達吉與其黨日夜謀議思所以害紳者乃令王守澄言杜元穎李紳輩皆

欲立深王達吉亦奏言紳不利於上請加貶謫

敬宗寶曆元年以中書舍人徐晦出為福建觀察使

二年八月以前福州觀察使徐晦為工部侍郎

十一月文宗即位尊母蕭氏為皇太后太后后閩人也

文宗太和八年七月以右金吾衛大將軍段百倫檢校工部尚書充福建

等州都團練觀察使

開成元年五月以中書舍人唐扶為福建觀察使

四年正月以司農卿李玘為福建觀察使諫官論其不可乃罷之以大理

卿盧貞為福建觀察使

福建通紀唐

五年夏福建台明四州疫

六月河北河南淮南浙東福建蝗疫州除其徭

武宗會昌五年令福建諸府桂府嶺南安等道所送進士不得過七人

明經不得過十人

宣宗大中十二年正月以太中大夫福州刺史御史中丞楊發檢校右散

騎常侍廣州刺史御史大夫充嶺南東道節度觀察處置等使以朝請大

夫檢校左散騎常侍右金吾大將軍王鎮為使持節都督福州諸軍事兼

福州刺史御史大夫充福建等州都團練觀察處置使

十月建州刺史于延齡入辭上曰建州去京師幾何對曰八千里曰卿到

彼為政善惡朕皆知之勿謂其遠此階前則萬里也卿知之乎延齡悸懼

失緒上撫而遣之到官竟以不職貶復州司馬

懿宗咸通十一年九月貶御史中丞孫瑋為汀州刺史坐為劉瞻所引用

十二年七月中書門下奏准諸道奏州縣官司錄縣令錄事參軍或見任

公事敗闕不理切要替換及前任實有勞効并見有關員即各舉所知每

道奏請仍不得過兩人其河東潞府等道觀察防禦使及嶺南五管每道

每年除令錄外許量奏簿尉及中下州判司及縣丞共三人福州不在奏

州縣官限

僖宗乾符二年四月以河南尹李晦檢校左散騎常侍兼福州刺史福建

都團練觀察使

三年六月勅福建觀察使李播等刺史親人之官苟不諳詳豈宜除授此

為朕養百姓非獨榮爾一身每念疲羸實所傷歎李播等九人授官之時

眾詞不可王回等三人到郡無政惟務貪求賈汚方州並宜停任

十一月貶度支分巡院使李仲章為建州刺史

六年黃巢之眾再攻江西陷虔吉饒信等州自宣州渡江由浙東趨福州

建以無舟船乃開山洞七百里由陸趨建州遂陷閩中諸州三月閩福州

福建通紀唐

觀察使韋岫戰不勝棄城遁賊入之焚室廬殺人如執

案新書黃巢傳以巢攻福州為乾符三年六月事而舊書僖宗紀以攻

福建為乾符五年三月事資治通鑑又以巢開山路攻福建諸州為五

年七月事陷福州為五年十二月事然舊書巢傳於乾符五年八月始

言黃巢黃揆兄弟八人率盜數千依倚讓月餘至數萬陷汝州又掠關

中官軍屢為所敗其眾十餘萬讓乃與羣盜推巢為王云云皆巢始出

起事情形不似已陷福建後情形則僖宗紀之三月即新書巢傳之三

月特紀誤六年為五年耳又刊山開道新書通鑑作七百里舊書作五

百里亦當從新書

中和四年五月福建團練副使陳巖逐其觀察使鄭鑑自稱觀察使

案資治通鑑云初黃巢轉掠福建建州人陳巖聚眾數千保鄉里號九

龍軍福建觀察使鄭鑑奏為團練副使泉州刺史左廂都虞候李連有

罪亡入溪洞巖擊敗之鎭長嚴之逼表嚴自代以嚴為福建觀察使嚴為治有威惠閩人安之與新書小異

光啟元年八月王潮圖泉州初壽春亡命王緒劉行全聚眾萬餘南畧潯陽贛水取汀州自稱刺史至漳州緒信望氣者言見將卒有勇畧踰已及氣質魁岸者皆殺之潮在軍中自危行至南安狙擒緒軍中奉潮為將軍行及沙縣泉州人以刺史廖彥若貪暴遽道請潮為州將潮乃引兵圍泉州新唐書王潮傳通鑑

二年八月王潮拔泉州殺廖彥若潮開福建觀察使陳巖威名不敢犯福州境遣使降之巖表潮為泉州刺史潮既得泉州招懷離散均賦籍兵吏民悅服幽王緒於別館緒慙自殺通鑑

昭宗大順二年十二月福建觀察使陳巖疾病遣使以書召泉州刺史王潮欲授以軍政未至而巖卒巖妻弟護軍都將范暉諷將士推已為留後時景福元年三月也同上新唐書昭宗紀

福建通紀唐

七

通志二

是月王潮遣王彥復王審知攻福州同上

二年范暉求救於威勝節度使重昌昌與陳巖婚姻發溫台婺州兵五千救之彥復審知以城堅久不下援兵且至士卒死傷多白王潮欲罷兵更圖後舉潮不許彥復審知親犯矢石急攻之五月城中食盡暉以印授監軍棄城走援兵亦還彥復等入城暉亡抵汾海都為將士所殺潮至自稱留後汀州刺史鍾全募建州刺史徐歸範皆附潮嶺海間羣盜二十餘輩相繼降同上

案吳越備史作景福元年六月潮殺范暉而有其地又以暉為巖之子增

十月戊戌以泉州刺史王潮為福建觀察使通鑑

乾寧三年九月升福建為威武軍以觀察使為節度使同上

冬王潮有疾表奏弟審知為留後十二月潮薨尋加審知刑部尚書俄授

金紫光祿大夫右僕射于兢撰郭王碑

案資治通鑑十國春秋作四年事

光化元年三月以王審知充威武留後通鑑

十月以威武留後王審知為節度使同上

三年二月加威武節度使王審知同平章事同上

天復二年十二月溫州將丁璋逐刺史朱敖奔福州同上

天祐元年四月遣右拾遺勳承贊加王審知檢校太保封瑯琊王食邑四

千戶食實封一百戶十國春秋

二年築南北夾城名南北月城合大城而為三周二十六里是時命管內軍州搜寫遺書同上

福建通紀唐

八

通志二